

2013 ja 2014 bušeahtta – doaibma

Budsjett 2013 – 2014 -- drift

	Rehketdoallu/ Regnskap 2012	Bušeahtta/ Budsjett 2013	Bušeahtta/ Budsjett 2014
SISABOADUT / INNTEKTER			
1. Miellahttoruhta / Medlemskont.	36 500	40 000	40 000
2. Foanddas doibmii / Fondet til drift	250 000	265 000	265 000
3. Doaibmadoarjja / Driftsstøtte	50 233	130 000	130 000
4. Reanttut / Renter	117		
SUBMI SISA / SUM INNTEKTER	336 850	435 000	435.000
GOLUT / UTGIFTER			
5. Báلكkát, luohttámušolbmot/ Honorarer	134 200	50 000	50 000
6. Čálingotte-bálvalusat /Sekretariat	78 165	80 000	80 000
7. Jahkečoahkkin /Årsmøte og seminar	135 000	140 000	140 000
8. Rehketd/dárkkist. / Regnsk/rev.	31 250	35 000	35 000
9. Neahttasiidu / IT-internet	15 625	100 000	100 000
10. Mátkkit / Reiser	8 166	30 000	30 000
11. Divvagat / Gebyrer	73	0	0
SUBMI GOLUT / SUM UTGIFTER	403 214	435 000	435 000
Oassi iežametruđas / Del av fri egenkapital			
Netto doaibmagolut / Netto driftsutgifter		435 000	435 000
JAGI BOADUS / ÅRETS RESULTAT	-66 364	0	0

2013 bušehtii čilgehus

2. Buhtadussisaboadut mannet SFS Fágagirjjálaš fondii. 2013 vuordit sullii 680.000 buhtadussisaboaduid, das NOK 360.000 kopibuhtadus, ja 320.000 girjerájusbuhtadus. Searvvi doaimmaide várre SFS jahkečoahkkin Fágagirjjálaš foanddas vissis mađe doaimmaruđa.
3. Dasto ohcá SFS Sámedikkis doaimmadoarjaga NOK 130.000,-,
5. **Bargit - buhtadusat/bálkkát**
SFS:as eai leat fásta bargit maid ovddas dárbbáša váldit bargoaddiovdasvástádusa. Baicce oastá čállingottebálvalusaid ČálliidLágádusas. Dasto barget välljejuvvon luohhtámušolbmot fágalaš doaimmaid.

	<u>2013</u>	<u>2014</u>	<u>2015</u>
Ovdaolmbuhtadus	35 000	35 000	35 000
Eará luohhtámušolbmuid buhtadusat	15.000	15.000	15.000
Submi	50 000	50 000	50 000

Hálddahušgolut - čállingoddi

	<u>2013</u>	<u>2014</u>	<u>2015</u>
Viessoláigu	24 000	24 000	24 000
Čállingoddi, rehketdoallu, dárkkisteaddji	136 000	136 000	136 000
www-siidu	100 000	100 000	100 000
	160.000	160 000	160 000
MVA 25%	<u>34 000</u>	<u>34 000</u>	<u>34 000</u>
Buohkanassii	194 000	194 000	194 000

7. 2013 jahkečoahkkin ja fágalašmátki

2013 jahkečoahkkin ja fágaseminára Sámis. Bušehtii várre dábálaš jahkečoahkkima ja fágaseminára. Várrejuvvon stipeandaruhitii lea sierra bušeahhta.

Foandda 2013 bušeahhta

Sisaboadut

Vurken ovddit jagiin	614.000
Sisa 2013 – buhtadusat	<u>680.000</u>
Submi	1 294.000

Golut

Várrejuvvon stipeanddaide 2012	70.000
Doaimma – SFS stivra	265.000
Sámis áigečállaga - 2 nummir	80.000
1 Prošeaktastipeanda	100.000
4 Mátkestipeanddat á 20.000,-	80.000
4 fágalaš ártihkkala á 10.000	40.000
5 árvvoštallanstipeandda	25.000
Submi golut	660.000
Báhcá – vurkejuvvo boahhte áigái	634.000

2013 doaibmaplána

2013 doaibmaplána mearrida 2013 jahkečoahkkinn miessemánu 2013. Eanaš áššit leat dakkárat maiguin searvi bargá oppa áiggi.

1. SFS miehtá Sámi searvin.

Dađistaga viidána searvi miehtá sámi searvin miellahttolassáneami bokte. Ain bohtet suomabeale fágagirjjálaš čállit miellahtun. Ruota beale fágagirjjálaš čállit leat bázahallan organiserema dáfus, go doppe eai leat SFS:as miellahtun, vaikke leat ge hástalan searvat. Gielalaččat lea doaimmain vuosttamužžan leamaš davvisámegiella guovddážiis. Searvi dattege muittuha jahkásaččat ahte searvi lea fáldaldahkan buot sámegeilat fágagirjjálaš čállide. Nu lea ge fágagirjjálaš čállid iežaset hálddus ávkkuhit SFS:ain buoremusat.

2. www.samifaga.org

SFS oastá dihtorteknologaš veahki dikšut ruovttusiiddu. Ruovttusiidu galggašii doaibmat dieđihangaskaoapmin miellahtuide.

3. Fágagirjjiide oastinortnet

Ii vel ge leat ollašuvvan ollislaš sámi girjjálašvuoda oastinortnet, mii livččii sullii seamma go Norggas. Čakčat 2011 álggahii goit Sámediggi oastinortnega čáppagirjjálašvuoda ja sámi musihka várás. Dan galgá Dáiddárráđdi hálddašit. SÁLAS lea váidalan ortnega go oaivvilda dat ii doaimma Sámedikki iežas eavttuid vuodul. Nu SÁLAS miellahttolágádušat leat 2012 biehttalan fállamis girjjiid oastinortnegii. SFS doarju SÁLAS oastinortnega áššis.

Mii leimmet ožžon lohpadusa ahte galgá fágagirjjálašvuoda mielde oastinortnegii. Nu ii geavvan go ortnet fas rahppui čakčat 2011, jos dal vuos dušše golmma jahkái. Das maŋná galget árvoštallat váldit fágagirjjálašvuoda mielde.

Lea dehálaš fuobmášahttit ahte ekonomalaččat dákkár ortnet vuosttamužžan lea ávkin girjelágádusaide. Sii han dan bokte jođihivčče eambbo girjjiid. Ovdeš oastinortnegis ii goaikkihan makkárga buhtadus dahje royalty čállide. Dán galgá maiddái atnit muittus jos lihkestuvvat oazžut ortnega bistevažžan.

4. Girjerájus- ja kopibuhtadus

Norgga beali girjerájusbuhtadusa soahpamuš bistá seamma go ovdal, eai ge sámi organisašuvnnat leat ovddidan rievdademiid. SGS ja SFS ”oamastit” 85% olles buhtadusas.

Lea dušše Sámikopijja soahpamuš Norgga Kopinor:ain mii dohkálaččat gáhtte ja buhtada sámi vuoigŋaduoji kopierema Sámis. Ruota Bonus Presskopia ja Suoma Kopiosto eai leat eai ge áiggo čuovvolit Sámikopijja dáhtu, mii lei ahte Sámikopijja galgá hálddašit Ruota ja Suoma sámi buhtadusruđa. SFS sáhtta ain dušše ávžžuhit Suoma ja Ruota beale fágagirjjálaš čállid oheat stipeanddaid Suoma ja Ruota fágagirjjálaš foanddain.

5. Uhcán fágagirjjit sámegillii

SFS lea guhká fuobmášahtán ahte otná sámi girjjálašvuodas leat áibbas unnán fágateavsttat sámegillii, earret oahppogirjjiid. Searvi ávžžuha ain dán oktavuodas omd. Fágagirjjálaš foandda vuoruhit prošeavttaid mat sáhttet leat mielde lasiheamen sámi fágaprosa olggosaddimiid. SFS lea ožžon lohpadusaid Sámediggeráđis dasa ahte jos eará ruhtadeaddjit leat bidjan oasi ruđa girjeprošeavtta ruhtadeapmái, de galgá Sámediggi doarjut dakkár prošeavttaid. Muđui berre searvi oheat eará vugiid ge mo movttiidahttášii almmuhit eambbo sámi fágateavsttaid. Dán oktavuodas oheat dieđusge maiddái lágádusaid áigumušaid.

SFS barggai máŋga jagi fuobmášahttit sámi eiseválddiide mo almmolašvuoda ruđahisvuohhta lea čuohtan sámi girjjiid almmuheapmái. Dás lea leamaš erenoamáš bahás váikkuhus sámi fága- ja dokumentára girjjiid almmuheapmái, mat eai oppa leat leamaš vuoruhuvvon ge. Girjjálašvuoda ruhtavátnivuodain šaddá SFS ain rahčat ovddosguvlui.

6. Dulkonoahpahuš ja jorgaleapmi

SFS ohcala dulkkaid oahpaheami, ja fuomášuhttit dárbbu profeshunaliseret dulkonoahppu, ja fuomášuhttit dárbbu jorgaleaddjiide ja dulkkaide. Dál lea leamaš moadde jagi Oslo ja Akershus allaskuvllas (HiOA) sámegeielat dulkonoahpahuš. Ávžžuhit ásahit Sámi Allaskuvlla ja universitehta álggahit dákkár oahpu.

7. *Sámis* - Sámi čálakultuvrralaš áigečála

Sámediggi lea viimmat 2010 bušehtti bidjan *Sámisii* NOK 300.000. ČáliidLágádus lea váldán badjelasaš olggošaddi ovddasvástádusa. Lágideaddji lea dasto háhkan áigečállagii dárbbalaš bistevaš ruhtadeami. SFS doaivu dasa sáhtášii fargga oazžut ruhtadeami mainna bálkáhivččii doaimmaheaddji. SFS galgá jahkásaččat várret vissis mađe ruđa Fágagirjjálaš foanddas *Sámis* almmuheapmái. Dan ovddas SFS galgá juohke nummirii oazžut sáji searvvi dieđuide. Sámedikki fásta juolludemiin oktan **SFS foandda 40.000:iin** juohke nummirii, galgat almmuhit guokte nummira jahká.

2013 rájes galgá almmuhišgoahtit *Sámis* máttasámegillii ja julevsámegillii. 2013 almmuha máttasámegielat nummira, ja jagi maŋŋá julevsámegillii. Dát galggašii vuos golmmajagi prošeaktan.
